

板貞治

禪林類聚

十六

禪林類聚卷第十六

雍熙禪寺住持嗣祖空道奉天靈禪寺首座比丘空境住示

法器

槌拂

數珠

鉢盂

杖笠

鏡扇

法器

十七祖僧伽難提尊者因風吹銅鈴鳴時十八祖作童子侍次祖乃問鈴鳴耶風鳴耶童子云非風鈴鳴我心鳴耳祖云非風鈴鳴心復誰乎云俱寂靜故非三昧也祖云善哉善哉繼吾道者非子而誰

芭蕉徹云尊者大似憐兒不覺醜

提婆尊者因西天禁斷鐘鼓故謂之沙汰經于七日尊者遲神通從隙中登樓撞鐘諸外道眾一時共焦



下見其門封鎖乃高聲問樓上撞鐘者誰者云云外道云天者誰者云我外道云我者誰者云你外道云你者誰者云狗外道云狗者誰者云你外道云你是誰者云我外道云我者誰者云天如是往返七度外道一眾自知負隨奏聞國王再鳴鐘鼓大興佛法

鹽官安國師示眾云虛空為鼓須彌為槌甚麼人打得眾無對南泉云王老師不打這破鼓  
法眼益別云王老師不打 雪竇顯云打者甚多聽者極少且問誰是解打者莫謗鹽官好南泉道王老師不打這破鼓法眼云王老師不打兩箇既不奈何一箇更是憐憐又云王老師不打還肯得諸方也無復代云千年田八百主 應庵華云二尊宿大似喫李子只向赤

邊敲報恩今日與鹽官相見去也虛空為鼓須彌為槌要打便打莫問是誰焉拈拄杖卓一下

百丈海禪師因普請鋤地次有一僧舉起鋤頭忽聞鼓鳴乃拋下大笑復歸師云俊哉此是觀音入理之門歸院乃歸與飯去師乃笑 馮山一日見火頭聞木魚聲放下火抄拊掌大笑酬詰同前類此者亦有東使云當時馮山會裏無一人 卧龍云當時馮山會裏有一人

水庵一頌云孰云意在鑿頭邊一擊圓通徹大千大笑低頭歸去後飢餐且莫與人傳 馮山祐禪師向佈山云有俗弟子將三束絹來與我贖鐘

子故與世人受福仰云俗弟子即有絹與和尚贖鐘子和尚將何物酬他師以拄杖敲牀三下云我將這箇酬他仰云若是這箇用作甚麼師又敲三下云汝嫌這箇作甚麼仰云某甲不嫌這箇是大家底師云你既知是大家底何用更就我覓物酬他仰云只恁和尚把大家底行人事師云汝不見達磨大師從西天來此土亦將此物來入事汝諸人盡是受他信物者

普公親詣此常入市振鐸云明頭來明頭打暗頭來暗頭打四方八面來旋風打虛空來連架打一日臨濟令僧捉住云或遇不明不暗來時如何師托開云來日大悲院裏有齋僧回鑿似濟濟云我從來疑著這漢

五祖演云若是五祖即不然有人問總不傳承來時如

何和聲便打是他須道五祖盲枷瞎棒我只要你恁麼道何故一任舉似諸方破庵先云這風顛漢不妨令人疑著及至被人窮詰將來却只道得箇羅齋打供也似熟處難忘若是廣壽即不然待他道總不恁麼來時如何便與攔臂拈住云道道若是皮下有血管取價增十倍

汾陽昭頌云老倒分明兩路差箭鋒相拄勿喝斜龍蛇混雜人難辨白日長空下雪花海印信云明暗俱打誇無上擒住方知無伎倆伎倆無亂稱呼至今誰解辨真虛佛智裕云高堂公子醉雙陸亂撒明珠發魚光一擲輸贏誰辨得滿盤散子不成雙鼓山珪云樓羅須要逞聰明金榜何曾得掛名將下幞頭歸去好冥騎

驢子傍人門

曹山本寂禪師聞鐘聲乃云阿耶耶阿耶耶僧云和尚作甚麼師云打著我心

五祖戒云作賊人心虛

古德頌云聞鐘便道打余心語淺分明理事深上流默默點頭笑可謂真偷不博金

資福寶禪師示眾云隔江見資福刺竿便回去脚跟下也好與三十棒豈況過江來時有僧纔出師云不堪共語

禾山殷禪師垂語云言學謂之間絕學謂之鄰過此二者謂之真過僧出問如何是真過師云解打鼓云如何是真諦師云解打鼓又問即心即佛則不問如何是非心非佛

師云解打鼓云如何是向上事師云解打鼓云萬法齊興

時如何師云解打鼓

雪竇顯頌云一拽石二搬土發機須是千鈞弩象骨老

師曾輟毬爭似禾山解打鼓報君知莫莽鹵甜者甜方

苦者苦投子青云布毛拈處費人言爭似禾山一句

傳打鼓一聲誼字宙冰寒千丈忽生蓮

幽棲幽禪師一日斂鐘上堂大眾纔集師乃問甚麼人打鐘僧云維那師云近前來僧便近前師遂打一掌却歸方

文卧

投子青云然自急須逃古今皆有行窮絕處試問傍人

不惜下情果然獲有既從相問急索端由不顧危云得他假難雖獲小利也是暗地傷人不為好手這僧雖然

失利蓋為自不守分致禍臨身未為分外然雖如是終

是平人橫遭羅網自有傍人證據在且道證據箇甚事  
乃云東家不了西舍受殃復須云驀路相逢借問由寸  
心莫便與他酬雖然重檐教人代終是慚顏暗地羞  
玄沙備禪師一日見三人新到遂親自去打音請鼓三下  
却歸方丈新到具威儀亦去打音請鼓三下却入僧堂  
久往來白師云新到輕欺和尚師云打鐘集衆勸過大衆  
集新到不赴師令侍者去喚新到纔至法堂却去侍者背  
上拍一下云和尚喚你侍者至師處新到便歸堂又住乃  
問和尚何不勸新到師云我與你勸了也  
玄沙僧問承和尚有言聞性徧周法界雪峰打鼓這裏爲  
甚麼不聞師云誰知不聞

雲門偃禪師因鑄鐘歸山齋了請師打鐘師打了大衆打

師問僧打鐘圖甚麼僧云喚和尚喫飯師不肯自代云息  
苦停酸又一日在僧堂前問僧這箇鐘子是甚麼物作僧  
無對師云你問我僧便問師云衲僧作師乃代但打鐘一  
下云摩訶般若波羅蜜又云衆僧堂前  
雲門因事時聞鼓聲云古人道一切聲是佛聲喚作佛聲  
喚作鼓聲師自代云和尚道了也又云和尚不且喫麵又  
一日聞齋鼓聲乃云你還識得老婆禪麼自代云還識喚  
喫飯去  
雲門云真空不壞有真空不異色僧便問作麼生具真空  
師云還聞鐘聲麼云此是鐘聲師云驢年夢見麼  
雲門因舉無情說法忽聞鐘聲乃云釋迦老子說法也驀  
拈起拄杖問僧這箇是甚麼云拄杖子師云驢年夢見

雲門因修藏次問僧作麼生是藏僧應諾師云這箇是藏  
脚還我藏來僧無對師代云爭得不修藏

鏡清付禪師一日於僧堂前自擊鐘云玄沙道底玄沙道  
底時有僧問玄沙道甚麼師乃盡一圓相僧云若不又參  
爭知與麼師云還我草鞋錢來或云失錢遭罪

雪竇顯云泪被打破蔡州 圓悟勤云爛泥裏有刺

佛燈珣云起平地波作無風浪拋綬天網打稱意魚把  
釣者取與合宜收放在我且道這僧還知端的麼若是  
明眼漢一點也瞞他不得只如鏡清道失錢遭罪又且

如何夜靜水寒魚不食滿船空載月明歸

梁山觀禪師僧問如何是空劫已前事師云擊動乾坤鼓  
時人聽不聞

丹霞淳頌云虛空為鼓須彌槌擊者雖多聽者稀半夜  
彌體驚被夢滿頭明月不思歸

地藏琛禪師晚參次忽聞鼓角聲乃云羅漢三日一參王  
太尉二時相助

般若柔禪師上堂問三下板聲大眾始集乃云善哉三下  
板知識盡來參既善知時節吾今不再三

風穴沼禪師僧問洪鐘未擊時如何師云充塞大千無不  
韻妙含幽致豈能分云擊後如何師云石壁山河無障礙  
翳消開後好沾聞

智門寬禪師因白非常貶剥雲門下尊宿師一日訪白於  
北云老僧有箇木魚頌師云請舉北云伏惟爛木一塊佛  
與衆生不別若以杖子擊著直得九聖路絕師云此頌有

成禡無成禡非云無成禡師云佛與衆生不別亦左右信  
僧教云有成禡師云直得九聖路絕亦當時白此一衆皆  
失色

首山念禪師僧問鐘鼓未鳴時如何師云問前不鳴問後  
打僧據議師便喝又僧問如何是學人自己師云放參三  
下鼓喫粥五更鐘

雙泉慶禪師僧問洪鐘未扣時如何師云絕音響云扣後  
如何師云絕音響

汾陽昭禪師僧問布鼓當軒擊誰是知音者師云信  
鉢飯即草不搥頭

葉縣省禪師僧問布鼓當軒誰是知音者師云眼中有  
空云未審此意如何師云喬翁賽南神又僧問聞鐘聲只

有這箇聲爲復別有師云腦後三斤

神鼎誣禪師僧問魚鼓未鳴時如何師云看天看地云鳴

後如何答捧鉢上堂又因官人指木魚問這箇是甚麼師

云驚回多少瞌睡人云泊不到此間師云無心打無心

法華舉禪師僧問承古有言虛空爲鼓須彌爲槌還許學

人打也無師云無你下手處云更不請槌師云我不解打

你

廣善鍾禪師初參南院念禪師一日侍立次問魚鼓未鳴

時如何念云看天不見天師云鳴後如何念云觀地不見

地師於言下大悟便作禮念云你見箇甚麼便作禮師云

關市裏也有一箇半箇念云你向南人剎利師便珍重

智品祚禪師上堂云鼓聲纔罷空遇作家僧出禮拜師云



打鼓為三軍云長蛇偃月休施展四馬單輪護立功師云

冰清瓦解僧二諾師云蘇嚕蘇嚕

乾明普禪師僧問法鼓無槌時還響也無響云響云未響

聲從何而出師云不鼓自鳴天地異木人側耳甚分明

石門徹禪師僧問響板未鳴時如何師云汝猶不覺在云

鳴後如何師云聲在其處

圓照本禪師初住瑞光日集眾擊鼓鼓輒停圓轉震響眾

驚却有僧出呼云此和尚法雷震地之祥也俄失僧所在

自是法席日盛眾至五百人

雲門鐘聲披七條鼓聲敲破七條鐵

藥山齋時自打鼓觀瞻

巖頭塗毒鼓見瓶

槌拂

世尊入滅迦葉昇須彌山頂擊銅鍵椎普集諸聖於金剛

窟中結集世尊所說教法

青原思禪師因石頭參師問爾從甚處來云曹溪來師豎

起拂子云曹溪還有這箇麼云非但曹溪西天亦無師云

子莫曾到西天不云若到即有也師云未有更道云和尚

也須道取一半莫全靠希遷師云不辭向汝道恐已後無

人承當

投子青頌云白雲藏玉鳳紅日照無寒隱隱星檠動無

秘鎮九霄

馬祖一禪師問百丈汝以何法示人文堅起拂子師云只

這箇為當別有文拋下拂子

百丈海禪師再參馬祖祖豎起拂子師云即此用離此用  
祖掛拂子於舊處良久云爾向後開兩片皮將何為人師  
取拂子豎起祖云即此用離此用師亦掛拂舊處祖振威  
一喝師直得三日耳聾後因黃檗來參舉此話黃檗不覺  
吐舌一本

汾州云悟去便休得說甚麼三日耳聾 石門聰云若  
不三日耳聾何得悟去汾州云我與麻道較他石門半  
月程 雪竇顯云奇怪諸禪德如今列其派者甚多究  
其源者極少總道百丈於喝下大悟還端的也無然刀  
刀相似魚魯參差若果是明眼漢護他一點不得只如馬  
師道爾向後開兩片皮將何為人百丈豎拂為復次蟲  
禦木為復啐啄同時諸人要會三日耳聾麼大冶精金

應無變色 東林總云當言不避截舌當爐不避火迸  
佛法豈可曲順人情東林今日向驪龍窟內爭珠去也  
百丈大智不無他三日耳聾汾州石門未免箇二俱瞎  
漢只這三箇老還箇悟也無良久云祖你不了殃及兒  
孫 泐潭英云大眾只道馬祖當時是百丈悟了喝不  
悟了喝衆中有檢點得出來道看山僧為你證明若無  
山僧今日不惜眉毛為你註破良久云前三三後三三  
雲蓋智云發大機顯大用非馬祖而誰能即此用離此  
用獨百丈而得其旨為甚麼被馬祖一喝直得三日耳  
聾要會麼不入驚人浪難尋稱意魚  
保寧勇頌云木馬踏殺天下人泥龍飲竭滄溟水霹靂  
滿空山嶽摧看看平地波濤起 天寧輝云放去拈來

更是誰言山時見白雲歸孤峰坐斷無餘事翻笑轉輪  
 對落暉 無盡居士云馬駒一喝大雄峰聲入龍龕三  
 日聳黃檗聞之驚吐舌江西從此立宗風 上方益云  
 雨霽遊雲尚未歸晴空忽地一聲雷嶺梅已得春消息  
 不比山挑一劍開 照覺總云未明大智再參尋相逐  
 相隨用不任斷浪絕流全體現一聲三日孰知音  
 百丈一日因馬祖上堂眾集以手點拂子柄三下便下座  
 師默有省三日後舉似馬祖祖上堂告眾云吾何憂矣自  
 有大默在是汝諸人之師也

鄧隱峰禪師在襄州破威儀堂中只著襯衣於榷椎邊拈  
 槌云道得即不下打于時大衆默然師便打一下  
 法眼益云鄧隱峰奇恠甚奇恠要且打不著又云其時

一衆出自偶然 翠巖芝云此語有勘破處且道勘破  
 何誰 雪竇顯云果然果然 性空云彼時堂中是有  
 人耶無人耶若有人爭容得伊若無人爭容得伊又云  
 笑殺傍觀

龐蘊居士一日見丹霞來遂不語亦不起霞乃提起手中  
 拂子去拈起槌子霞云只與麼別更有在土云此迴見兄  
 不似於前霞云不妨減人聲價土云本來要拈倒汝一上  
 却霞云與麼則瘧却天然口也土云汝瘧却本分猶慮我瘧  
 云不唯患瘧兼亦患聾

佛鑑勸云丹霞拂子龐公槌子雖然閑家閑具要言三少  
 伊不得龐公患瘧丹霞患聾雖然僧俗有殊爭奈病痛

一般何故如此千峰勢到嶽邊止萬派聲歸海上消  
大為智云丹霞不會作客龐公那能作主拈槌豎拂未  
免漏逗雖然僧俗不相干家國同憂亦同喜 涂毒策  
云動絃別曲葉落知秋聾盲槌拂彼此相酬有意氣時  
添意氣不風流處也風流然雖與麼居士大似把子  
高山未免傍觀者哂且道誰是傍觀者遂喝一喝  
石林禪師因龐居士來師豎起拂子云不落丹霞機汝試  
道一可來士乃奪却拂子豎起拳頭師云正是丹霞機士  
云汝與我這不落看師云丹霞患瘧龐公患聾士云恰是  
也恰是也師無語

佛鑑意云作家相見別無道理彼既擗頭此亦擺尾頭  
尾相應雖存終始多少杜撰禪和一向撥波求水

蒙漢禪師僧問不落聖九機請師別道師鳴指三下僧云  
巖巖峭峻如何趨途師良久僧云蒙漢今日弄解水消師  
擲下拂子僧拈起拂子師便喝僧呵呵大笑云事不孤起  
師云暗中秤繩誰辨曲直僧云抱劍傷身是誰之咎拂袖  
便出師笑云難遇此子難遇此子

圓悟勤云文來文對武來武對你恁麼我却恁麼你  
不恁麼我却恁麼子變萬化權實卷舒雖是死蛇解弄  
也活還委恁麼須是箇中人 佛燈珣云實取之有

道主亦捨之從長兩家齊著笑各有好商量雖然如是  
堪笑蒙漢好風骨猶來厚水潑鷓鴣

馮山祐禪師一日呈起如意復畫此○相云有人道得便  
得此如意道道時有僧云此如意本不是和尚底師云得

而無用有僧云設與其甲亦無著處  
趙州論禪師臨順世令僧馳拂子傳語趙三云此是老信  
一生用不盡底

保寧夢云趙州一生用不盡底終不錯分付雖然不錯  
分付事奈趙王提不起乃拈拄杖云此是保寧一生用  
不盡底不如未死已前兩手平等分付與諸人擲下拄  
杖拍手云阿喇喇三十年後莫教失却

石梯禪師因侍者問生滅純真時如何師豎起拂子者云  
此猶是生滅在師云汝大唐突人者云承和尚慈悲之故  
師云我不慈悲又作麼生者乃奪拂子豎起師云小慈悲  
大慈

佛鑑勸云生滅純真拈頭作尾純真生滅拈尾作頭雖

然頭尾相應畢竟難存終始且道石梯豎起拂子與侍  
者豎起拂子是同是別良父豎起拂子云明眼漢謾他  
一點也不得

靈雲動禪師僧問佛未出世時如何師豎起拂子云出世  
後如何師亦豎起拂子雲門云前頭即不肯後到雪峰

峰問甚處來云靈雲來峰云有何言句僧舉前話峰云你  
肯他麼云不肯峰云你問我與你道僧如前問峰豎起拂

子又問出世後如何峰放下拂子僧禮拜峰便打僧後到  
玄沙舉前話沙問你怎生會僧云不會沙云我與你作箇

譬喻如人賣一片園東西西至結契總了也中心有箇樹  
子猶屬我在

崇壽稠云為當打伊解處別有道理 湛山語云這僧

一張弓兩隻箭擬撥亂天下至玄沙面前一箇伎倆施  
展不得何故鶴有九臯難翥翼馬無千里設追風

仰山寂禪師因龐居士問久響仰山到來為甚麼却憂師  
豎起拂子士云恰是師云是仰是覆士指露柱云雖然無  
人也要露柱證明師擲下拂子云一任舉似諸公

白雲端須云兩箇入文為十六從頭數過猶不足拿雲  
亂撒向塔前滿地團團苔蘚綠 保寧勇云賊偷賊物  
太希奇好手還他火伴知今日併贖齊捉獲得便是  
落便宜

仰山因馮山上座舉起拂子云若人作得道理即與之師  
云某甲作得道理還得不座云但作得道理便得師乃擲  
拂子將去

雲居錫云甚麼處是仰山道理

仰山見僧來豎起拂子其僧便喝師云喝即不無且道老  
僧過在甚麼處云和尚不合將境示人師乃打之

仰山因三聖禪師將拂子與聖聖云真箇有師在師云是  
誰聖云河北臨濟和尚師云老僧罪過小留一兩日修茶  
筵相送

大隋真禪師僧問如何是諸佛法要師舉拂子云會麼云  
不會師云塵尾拂子

臨濟玄禪師辭黃檗檗問甚麼處去師云不是河南便是  
河北檗便打師詢任棒遂與一掌檗呵呵大笑喚侍者將  
先師禪衣拂子來師召侍者云將火來檗云沒但將法已  
後坐却天下人舌頭去在

為山問仰山臨濟莫辜負他黃蘗也無仰云不然為云  
子作麼生云知恩方解報恩為云從上言莫有報恩事不  
仰云有只是年代深遠不欲舉似為云雖然如是吾且  
不知子但舉看仰云如楞嚴會上阿難讚佛二將此深  
心奉塵刹是則名為報佛恩豈不是報恩之事為云如  
是如是見與師齊戒師半德見過於師方堪傳授  
海印信頌云師資叙別意非遙禪杖持來命以燒佛祖  
已靈猶不重信行餘長執擎挑

臨濟或見僧來乃豎起拂子僧禮拜師便打

翠巖芝云這僧有理不伸死而不吊且作麼生會如今  
作麼生與這僧出氣

臨濟見僧來乃豎起拂子僧云謝和尚指示師便打又僧

來師亦豎起拂子僧不顧師亦打

雲門云只宜老漢 大覺云得即得猶未見臨濟機在

臨濟一日見僧來豎起拂子僧便禮拜師云賊賊僧云賊  
賊便出去

塗毒策云今時學者纔見舉拂子便道放下著有者又  
道和賊捉敗有者又道不消得如斯見解蓋是漆桶不  
破已眼不明空自撐門拄戶山僧到此又且如何春風  
纔著體鐵樹也開花

投子同禪師因雪峰問一鎚便成時如何師云不是性德  
漢云不假一鎚時如何師云不快漆桶

雪竇顯云然則一期折挫雪峰且投子是作家爐鞴我  
當時若作雪峰待投子道不是性德漢只向伊道鎚鎚

在我手裏諸上座合與投子著得箇甚麼語若能道得便乃性傑平生光揚宗眼若也顛頂頂上一槌莫言不道 大為詰云雪峰雖是本分鉗鎚爭奈投子是作家

爐韞山僧今日亦為諸人開箇爐韞中還有本分鉗鎚者麼如無山僧為你諸人下一槌直教火星迸散乃

卓拄杖云看看諸人護取眉毛好

投子僧問古人拈槌豎拂還當不當師云不當云為甚麼不當師拈起拂子云只為這箇

雪峰存禪師僧問拈槌豎拂總不當宗乘未審和尚如何師豎起拂子僧自把頭出師乃不顧

法眼蓋代云大眾看此一負戰將

雪峰一日舉起拂子示僧其僧便出去

長慶稜舉似泉州王延彬乃云此僧合喚轉與一頓棒

王云和尚是甚麼心行師云泊合放過

雪峰因鵝湖住庵時有一天使到庵見拂子便問弟子喚這箇作拂子庵主喚作甚麼湖云不可喚作拂子便云天下尊宿出世如麻似粟庵主為甚麼不行脚去湖便到師處師云闍黎何得更來湖云被箇天使問佛法不相當更來師云作麼生湖遂舉前話師云汝問我湖理前問師云拂子

寶峰禪師因一僧從巖頭來師豎起拂子云落在此機底人未具眼在僧擬進前師云恰落在此機僧回舉似巖頭頭云我若見奪却拂子看他作麼生師聞乃云我豎起拂子從他奪總不將物夾你又作麼生巖頭聞乃云無星秤



子有甚麼辨處

圓悟勸云寶峰布漫天網打衝浪錦鱗垂萬里鈎駐千里烏騷這僧出寶峰繆績不得則故是至如巖頭具頂門眼有肘下符及至勘證將來也只得平出且畢竟落在甚麼處箇中端的事獨許作家知

大覺禪師到臨濟濟見乃豎起拂子師便展坐具濟擲下拂子師便收坐具參衆去其時衆議此僧莫是和尚親故又不喫棒又不禮拜濟聞乃令侍者喚適來新到來師便至濟云師僧道你來參長老又不禮拜又不喫棒莫是長老親故師乃珍重下去

資福寶禪師僧問古人拈槌豎拂意旨如何師云古人與麼那云拈槌豎拂又作麼生師便喝出

雲門云古人是甚麼眼目有僧云和尚作麼生師云驢年會麼僧無語門乃召僧云來來僧近前門以拂子驀口打

金峰志禪師因僧侍立師云我有一則因緣舉似你第一不得亂會云請和尚舉師豎起拂子僧作聽勢師云知道闍黎亂會僧東西顧視師云雪上更加霜

圓悟勸云金峰起模畫樣這僧好肉剜瘡不唯雪上加霜未免將錯就錯山僧亦有一則因緣只是不舉向諸人何故六耳不同謀 虎立隆云金峰垂鈎四海只釣獰龍這僧雖然清波有路未免貪他香餌敢問大衆畢竟作麼生會金峰爲人處還會麼見月休觀指歸家罷問程

南院顛禪師見新到來豎起拂子僧云敗闕師放下拂子  
僧云猶有這箇在師便打

琅琊覺云狂狗趁塊獅子咬人

南院因僧問從上諸聖向甚麼處去師云不上天堂即入  
地獄云和尚又作麼生師云還知賢應老漢落處麼僧擬  
議師以拂子驀口打復云近前來僧近前師云令合是汝  
行又打一拂子

雪竇顯云令既自行且拂子不知來處雪竇道箇瞎且  
要雪上加霜 黃龍心云白珪之玷猶尚可磨病在膏  
肓亦宜救療這僧令既在手為甚麼不行過在甚麼處  
徑山杲云權衡臨濟三要三玄須是南院始得雪竇因  
甚麼道拂子不知來處妙喜亦道箇瞎且圖兩得相見

雙峰古禪師辭石霜霜將拂子送出門首乃召云古侍者  
師回首霜云擬著即差視著即乖不擬不視亦莫作箇解  
除非知有莫能知之作麼生師應諾諾師住後有僧問當  
時石霜恁麼道未審意旨如何師云他只是教我不得是  
非著

玄覺云且道他會石霜意不會

玄沙捕禪師僧問古人拈槌豎拂還當宗乘中事也無師  
云不當云古人意作麼生師舉起拂子僧云宗乘中事如  
何師云待汝悟始得

古德代云若非和尚證明拂子一生無用

雲門偃禪師一日拈起拂子云這裏得箇入處捏恠去也  
日本國裏說禪三十三天上有一箇人出來喚云吽吽特庫

兒檐枷過狀

泐潭祥云後來叢林道雲兩脚跟不點地誠實苦哉寶  
峰道日本國人說禪得困却來寶峰拄杖頭上歇息要  
為大宋人說法還聞麼良久云矢上加尖

雲門臨嶺中順維那古人豎起拂子放下拂子意旨如何  
順云拈前見拂後見師云如是如是又云是諾伊是不諾  
伊又云可知禮也

雲門一日聞打槌聲乃云妙喜世界百雜碎汝等諸人擎  
鉢盂向湖南城裏喫粥自代云浴後喫

大覺璉云大小雲門也似事顛倒山僧這裏祇是維那  
白槌首座施食山僧展鉢行者行益與麼說話一任諸  
方裁斷

明招謙禪師見新到僧纔上法堂乃舉拂子却擲下其僧  
珍重便下去師云作家作家

九峰滿禪師僧問九峰一路今古咸知向上宗乘請師提  
唱師豎起拂子僧云大眾側聆願垂方便師云清波不覩  
魚龍現迅浪風高下底鈎僧云若不又參那知今日師云  
人生無定止像沒鏡中圓

圓悟勤云這僧一向詐明頭九峰或煞老婆心若據本  
分待伊問請師提唱向上宗乘好與劈脊更打何故黃  
金自有黃金價終不和沙賣與人

翠巖參禪師僧問古人拈槌豎拂意旨如何師云邪法難  
扶

四川慧禪師謂勝光光坐次師直造身邊叉手而立光云

甚麼處來師云猶待答話在便下去光遂拈拄杖拂子下  
僧堂前見師乃提起拂子問師你喚這箇作甚麼師云敢  
死喘氣光便低頭歸方丈

首山念禪師僧問古人拈槌豎拂意旨如何師云孤峰無  
宿客云未審意旨如何師云不是守株人

首山因拈竹篋示眾云汝等諸人若喚作竹篋即觸不喚  
作竹篋即背汝諸人且喚作甚麼時葉縣省和尚在會於  
言下大悟乃近前擊竹篋初作兩截擲于塔下部云甚  
麼師云請縣便設拜

徑山吳頌云背觸非遮護明明直舉揚火毛雖不動遍  
地是刀鎗 鼓山珙云舉起竹篋子如何便到家秘魔  
叢不會隨後便擊之 枯木元云不懸又不肯從勞生

擬議開口更高量白雲千萬里 東林頌云罵他還自  
罵嗔他還自嗔戒之慎之出乎爾者返乎爾者也

地藏琛禪師見僧來舉拂子云還會麼云謝和尚慈悲示  
學人師云見我豎拂子便道示學人汝每日見山見水可  
不示汝又見僧來亦舉拂子其僧讚歎禮謝師云見我豎  
拂子便禮拜讚歎那裏掃地豎起掃帚為甚麼不讚歎  
玄覺云一般豎起拂子拈一種物有肯底有不肯底道  
理且道利害在甚麼處

巴陵鑿禪師將拂子與僧僧云本來清淨用拂子作甚麼  
師云既知清淨切莫忘却  
梁山觀別云也須拂却

葉縣省禪師僧問已事未明以何為驗師云關市裏打錢

槌云意旨如何師云日午點金燈

梁山禪師拂子頌云我有一枝拂真機鐵作骨顯道無蚊

蝨指南不相屈掃除佛祖病擊碎衲僧窟若是上上人終

不喚作物德山云梁山好頌話作兩極師二真是老僧當時

少子細

松源云云二大老也甚奇性以急縛寬則易以寬縛急

則難治父鼻乳今日落在諸人手裏一任橫拖倒拽喝

一喝

智門寬禪師一日舉拂子云我這箇為中下之機僧云忽

遇上上人來時如何師云打鼓為二軍

承天嵩禪師僧問古人拈槌豎拂意旨如何師云騎驢不

著靴神辭

龍光禪師僧問從上古人拈槌豎拂盡是捏目生花學人

上來離却是非請師別道師云罕遇作家云祇恁麻還當

得也無師豎拂子僧云何異前非師便打

德山先禪師纔見僧來豎起拂子僧便唱師云瞎僧又唱

師便打又見一僧不豎起拂子僧不顧師便打師復云總

似今日曹溪一路平沉

萬杉慈禪師參照覺總禪師侍立次師問世尊付金襴外

別傳何物總舉起拂子師云畢竟作麼生總以拂子為口

打評撥開口總又打師自此有省遂奪拂子便禮拜總云

汝見何道理便禮拜師云拂子屬某甲了總云三十三生

將今日被小卒折倒

世尊陞座文殊白槌讚

世尊陞座迦葉白槌規門  
世尊陞座阿難白槌規門  
仰山夢尊者白槌請說法規門  
行者拈拂開鏡清觀斷  
興化白槌罰克賓維那觀斷  
董叢普請白槌觀斷  
荷澤父母喪入堂白槌觀斷  
法眼主賓位掛拂子觀斷  
迦葉白槌損文殊觀斷  
南泉因寸費談病白槌觀斷

數珠

丹霞然禪師一日手提念珠龐居士近前奪却云二彼空手即休師云妬忌老翁不識好惡士云捉師公案未著後因終不恁麼師云咩咩士云吾師得人怕師云猶少棒在士云年老喫棒不得師云不識痛痒漢打得也無益士云也無接引機關在師地下念珠而去士云賊人物終不敢收拾師回首呵呵大笑士云這賊敗也師近前把住云更諱不得士與一掌

圓悟動云絲來線去半合半開大似排陣相攻打箇交  
交未分勝負再入鎗旗幾手披靡復無輪言贏賞伊作者  
差知通變山僧今日手無念珠亦不行棒亦無人奪亦  
無人掌且道還有接引機關也無遂豎起拳云還諱不

衣  
衣木如衣  
衣為意文

來莫言不道 大滄智云諸仁者頭正尾正無得無失  
彼此作家一出入論他二老作用不妨奇特若於宗  
門中事且無交涉大圓這裏總不與麼亦不行捧亦不  
行喝亦不拈槌亦不豎拂高則高應低則低隨也無佛  
法商量若有到來祇道上座不易且喫茶下去將息莫  
道大圓不通人情好 塗毒策云丹霞龐老大似強中  
有弱不知弱處却強雖然被彼同時爭奈有縱有奪祇  
如龐公道也無接引機關在灼然坐籌帷幄決勝千里  
丹霞擬欲凱捷而回未免已輸先手還知麼自謂勢傾  
齊渡間不期連馬盡擒歸

大顛通禪師因韓文公相訪問師春秋多少師提起數珠  
云會麼公云不會師云晝夜一百八公因措遂回宅怏怏

而已夫人乃問侍郎情思不懌復有何事公遂舉前話夫  
人云何不進云晝夜一百八意旨如何公明日凌晨遂去  
至門首乃逢首座座問侍郎入寺因何太早公云特去堂  
頭通話座云堂頭有何因緣開示公舉前話座云侍郎怎  
生會公云晝夜一百八意旨如何座乃扣齒三下公復至  
堂頭又進前語晝夜一百八意旨如何師亦扣齒三下公  
云信知佛法一般師云見甚道理乃云一般公云適來門  
首接見首座亦復如是師遂喚首座問適來祇對侍郎佛  
法是不座云是師便打趨出院

保福展云首座知前不知後大顛令不單行 淨泉云  
大顛前頭驚殺人後頭笑殺人當時若盡令而行這僧  
也著出院然管中窺豹只見一斑

汾陽昭頌云解展機鋒是大顛明知不是小因緣一般  
扣齒叢林異出院韓公始得閑 黃龍南云宗師一等  
展家風盡情施設為韓公獅子室中無異獸象王行處  
絕孤蹤 保寧勇云一步纔行兩步移脚前驚起鳳凰  
兒栖蹤不在極品桐樹羣鳥東西空遶枝 佛國白云佛  
法無別如高量門前扣齒便承當一般出院難分雪裏  
殺唐朝韓侍郎 海印信云潮者如山觀者如市本分  
弄潮人出沒如遊戲可憐不是弄潮人往往須向潮中  
死

趙州論禪師僧問和尚年多少師云一串數珠數不盡  
趙州一日拈起數珠問新羅長老云彼中還有這箇也無  
云有誦云何似這箇云不似師云既有為甚麼不似誦

無語師云不見道新羅大唐

楊岐叔禪師因禪月問如何是祖師西來意師呈起數珠  
月問措師云會麼云不會師云某甲參見石頭月云見石  
頭得何意旨師指庭前鹿云會麼云不會師云渠儂得自  
由極作

無著禪師送供往五臺文殊問離甚麼處師云南方殊云  
彼中山木樵子還將得來麻師云有麤者一虫殊云借看  
得麻師取穗子與殊殊便隱去

定山美禪師因樺樹問不落數量請師道師提起數珠云  
是落不落樹云圓珠三數人人有請師圓前話師便打樹  
拂袖而去師云三十年後樺曾大哭去在樹後開堂示眾  
云吾三十年前被定山熱護一上不同小小



雪竇顯云定山用即用手亦險禪樹知即知要且未具  
擇法眼試請辨看 圓悟勤云雖然已是賊過後張弓  
今日忽有人問蔣山不落數量請師道劈脊便棒且道  
還有為人處也無

法明佛陀禪師常持一串數珠念三種名號云一釋迦二  
元和三佛陀自餘是甚麼椀躡立一箇過終而復始  
張九成侍郎謁善權清禪師遂問常聞此事人人具足箇  
箇圓成是不清云然張云既如是其申為甚無箇入處清  
於袖中出數珠示之云此是誰底張許思清復藏數珠於  
袖云若是你底便拈取去纔涉思惟便不是也張乃領旨  
老宿因俗士見行道觀音像手中提數珠遂問常人提數  
珠念觀音觀音提數珠念甚麼宿云求人不如求己

灑カン  
スル  
スル  
スル

運サレ  
ハカ  
ハカ  
ハカ  
體  
身也  
ワカ  
ワカ  
ワカ

鉞錫

永嘉宿覺禪師初至曹溪乃遶禪牀三匝振錫而立祖云  
夫沙門者具三千威儀八萬細行大德何方而來生大我  
慢師云生死事大無常迅速祖云何不體取無生了無速  
乎師云體本無生了本無速祖云如是如是如是師方具威儀  
作禮須臾告辭祖云返太速乎師云本自非動豈有速耶  
祖云誰知非動師云仁者自生分別祖云爾其得無生之  
意師云無生豈有意耶祖云無意誰當分別師云分別亦  
非意祖云善哉善哉少留一宿

西靈顯舉至我慢處便喝云當時若下這一喝免見龍  
頭蛇尾又向卓然而立處代祖云未到曹溪與爾三十  
棒了也 正法顯云要識永嘉麼掀翻海嶽求知己要

識祖師麼撥動乾坤建太平二老不知何處去直拄杖  
云宗風千古播嘉聲

南陽忠國師因麻谷持錫到乃振錫一下卓然而立師云  
汝既如何用見吾谷又振錫一下師叱云這野狐精出  
去

汾陽昭云唐突和尚 雪竇顯別云泊不到此

南泉願禪師見鄧隱峰來指淨餅云淨餅是境餅中有水  
你不得動著境與我將水來峰將淨餅傾水於師面前師  
便休云

歸宗云鄧隱峰也是亂瀉 黃龍心云信知道急行不  
至緩行太過南泉亦好箇話端三直不能圓說既是能  
吹亦須能拍若不能拍吹者徒勞其處是隱峰亂瀉處

具參學眼試檢點看

袁山珪頌云南泉不指淨餅隱峰何曾瀉水從教打瓦  
鑿龜佛法不在這裏 徑山杲云眼中無翳休執刮鏡  
上無塵不用磨信脚出門行大路橫擔拄杖唱山歌

鹽官安國師因僧問如何是本身廬舍那師云與老僧過  
淨餅來僧將洋餅至師云却安宿處著僧安了復來問如  
何是本身廬舍那師云古佛過去久矣

雲門云無朕迹 雪竇顯云直得一手指天一手指地  
垂得無還會麼雲在領頭閑不徹水流澗下太忙生  
大瀉詰云山僧不然忽有人問但云大眾歸堂去若人  
向大瀉門下薦得古釋迦不先新彌勒不後且道轉身  
一向作麼生道良久云明年更有新條在惱亂春風卒

未休 開福寧云先賢垂範語直如絃衲子奔波剛然  
 不顧山僧今夜等是無端試與諸人評議這僧只知向  
 前不覺蹉路國師慈悲廣大檢點將來弄巧成拙且道  
 利害在甚麼處還委悉麼粉骨碎身未足酬一句了然  
 超百億 草堂清云問來答去暗裏投機識者荆棘俱  
 為深棟不識者醍醐翻成毒藥  
 上方益頌云兩手分明過淨餅不知身已在隍城直饒  
 便具金剛眼也較為山半月程 天童覺云鳥之行空  
 魚之在水江湖相忘雲天得志擬心一絲對面千里知  
 恩報恩人間幾幾

登隱峰禪師因登五臺路出淮西屬吳元濟阻兵違拒王  
 命官軍與賊交鋒未決勝負師云吾當去解其患乃擲錫

空中飛身而過兩軍將士仰觀事符預夢闔心頓息

麻谷徹禪師持錫到章敬處作禮遶禪牀三匝振錫而立

敬云是是師又持錫至南泉處遶禪牀三匝振錫而立泉

云不是不是師云章敬道是和尚為甚麼道不是泉云章

敬即是是汝不是此乃風力所轉終成敗壞

長慶稜代前語云和尚佛法身心何在又代後語云和

尚是甚麼心行 保福展別但振錫一下出又拈云章

敬南泉可謂一是一非又云麻谷依稀似曲纒堪聽又

被風吹別調中 雲居錫云章敬未必道是南泉未必

道不是又云這僧當時但持錫出去恰好 雪竇顯代

兩處云錯 大瀉喆云章敬道是落在麻谷穀中南泉

道不是亦落在麻谷穀中大瀉即不然忽有人存錫遶

檀牀三市卓然而立但向伊道未到這裏好與三十棒  
 汾陽昭頌云章敬南泉路似殊明明道理語親疎多人  
 不用磨金鏡漢自漢兮胡自胡指月迷津迷自指示君  
 持錫却如無 雪竇顯云此錯彼錯切忌拈却四海浪  
 平百川潮落古策風高十二明明有路空蕭索非蕭  
 索作者好求無病藥 保寧勇云顏色規模恰似真人  
 前拈弄越光新及乎入火重烹試到了須歸具人假銀  
 圓悟勤云如是不是去却藥忌擬犯封疆全軍失利杖  
 頭突出古菱花舉世風流出官家 佛鑑勳云昨日出  
 都門忽逢二商旅一指我南行一指我北去南行有官  
 船過渡北去有車馬大路雖然南北不同途都在中華  
 一國土

道吾智禪師因石霜問百年後有人問極則事向他道甚  
 麼師喚沙彌彌應諾師云添淨餅水著師良久却問石霜  
 適來問甚麼霜擬再舉師便歸方丈霜於此有省

丹霞淳頌云垂手還他作者機尋常語裏布鎗旗重詢  
 擬進歸方丈一句分明更不疑

趙州諗禪師僧問不見邊表時如何師指淨餅云這箇是  
 甚麼云淨餅師云大好不見邊表

馮山祐禪師一日過淨餅與仰山仰擬接師却縮手云是  
 甚麼仰云和尚還見箇甚麼師云若恁麼何用更就吾覓

仰云雖然如此仁義道中與和尚提餅挈水亦是本分事  
 師乃過淨餅與仰山

馮山問仰山諸佛三昧神通能向一塵中轉大法輪仰云

和尚如何師云有人鑑即得仰指淨餅云請和尚入淨餅  
師云諸佛神通現在淨餅口上轉大法輪汝還見麼仰云  
此是諸佛轉和尚作麼生轉師云不可離此外別有也仰  
乃禮拜

鳥窠林禪師因孤山末福寺有辟支佛塔時道俗共為法  
會師乃振錫而入時韜光法師問云此之法會何以作聲  
師云無聲誰知是會

華林覺禪師常持錫夜出林麓間七步一振錫一稱觀音  
名號夾山造庵問云遠聞和尚念觀音是不師云然山云  
騎却和尚頭如何師云出頭從汝騎不出頭騎甚麼

契如庵主僧問西天持錫意作麼生師拈錫杖卓地振之  
僧云未審此是甚麼義師云這箇是張家打僧擬進語師

以錫攬之

崇壽禪師於懷州王屋山習禪有人報後山有虎鬪師  
往以錫杖解之虎各散去

通明偃禪師僧問掛錫幽巖時如何師云在甚麼處

司空察禪師因僧參禪牀一布振錫一下云九聖不到

處請師道師嗎指一下僧云奇哉向空赫得忘前失後師

云翠剎發足甚處僧便珍重師云五湖衲子一錫裡人未

到同安不訪疑著僧云近見不如遠聞師云貪他一盃酒

失却滿盤魚

圓信對云全軍隊伍馬步相參兩陣交鋒不送可特學

奈二俱失利具眼底試辨看 佛燈珣云舊六月發大

勢明來與合平坦嶮巖彼既殺活柱杖我亦結果科鐘

縱使諸方眼目難斷箇是箇非必竟如何按天一枝無  
孔至王賓頭倒兩頭吹

首山念禪師僧問掛錫遊巖時如何師云箇二箇三箇便打  
明宗讓禪師在者者共為第一座尋常以受僧人三事云  
不識國語通水止不肯受請下牀拈起淨瓶云這僧是觸  
是淨主事無語師乃撲破淨瓶

五祖演禪師一日持錫繞方丈行問僧還否僧云入門命  
麼僧無對師云徐贛今日開鋪並無一人至贛可待三天  
龍鬚與作尋常破布

瀉山種劍淨餅齋海  
無事因僧指淨餅齋  
汾陽明僧金錫觀勝  
藥山者淨瓶示空通受現牌  
雲門者淨瓶現牌  
雲門者淨瓶現牌

杖笠

藥山儼禪師問僧甚處來僧云江西來師以拄杖敲禪牀  
三下僧云某甲粗知去處師拋下拄杖僧無語師召侍者  
點茶與這僧踏州縣困

佛鑑勲云這僧也眼目定動待他擊禪牀三下便好點  
頭三下待他擲下拄杖便好與物作兩截拂袖出去直  
饒藥山更有機關教他也無展用處師遂拈拄杖橫按  
云當時既已蹉過只今還有齧猪狗底出來露箇消息  
時維那出眾作女人拜師云笑殺大眾擲下拄杖便歸  
方丈

藥山一日提笠子出雲巖指云用這箇作甚師云有處用  
巖云風雨來作麼生師云蓋覆著巖云他還受蓋覆麼師

云然雖如是且無遺漏道或作

崧山禪師一日攜拄杖行次龐居士見乃問手中是甚麼師云年老關伊一步不得士云雖然年邁壯力猶存師打一棒士云放却手中杖子別有箇問訊來師乃拋下拄杖士云這老漢前言不副後語師便喝士云蒼蒼天中更添怨苦

佛鑑勸云點鐵成金易點金成鐵難崧山一條拄杖尋常拈起則劃斷三乘放下則平欺佛祖洎乎牙人撞見販子彼此只可自知那堪遭衲僧檢點好一對無孔鐵鎚塗毒策云點鐵成金鑽燧取火苟非敏手卒難副機崧山得力處然始難全前言不副後語處或殺服活二人既不奈何却在塗毒手裏卓拄杖一下云等閑箇

向屏風上猶勝高陵龍化時

百靈禪師一日路次見龐居士乃問昔日南嶽得力句曾舉向人麼士云曾舉來師云舉向甚人士以手自指云龐少師云真是妙德生生也請之不及士却問師得力句是誰得之師便戴笠而去士云善為道路師一去更不回首

佛鑑慧云請禮德古人相見差之毫釐差失之千里龐公

好語蓋似人不著翻成死語百靈向鬼窟裏賣瘦一期也被賣得過雖然如是知人飲水冷暖自知

徑山果云這箇話端若不是龐公幾乎錯舉使人錯然如是百靈輸他龐公一著何故當時若不得箇破笠遮却箇龐公

黃檗道禪師因普請次南泉云如許大身於真箇此兒大  
坐師云三千大千世界總在裏許泉云王老師師師真箇  
便行

佛眼遠頌云相見錦江頭相滿上酒樓會醫還少病知  
分不多愁

黃檗見僧來乃云諸方老宿盡在我拄杖頭上僧便禮拜  
其僧後到大樹處舉前話樹云黃檗與麼道言夢見諸方  
也未其僧回舉似師師云我這話已行遍天下

琅琊覺云大樹與麼道大似有眼如盲黃檗一條拄杖  
天下人敲噀不碎

趙州諗禪師僧問某甲從長安來橫擔一條拄杖不曾撥  
著一人師云自是大德拄杖短僧無對

法眼益代云呵呵 同安顯代云也不短又於拄杖短

處別云老僧這裏不曾見恁麼人

潞山枯樺師拄杖問仰山汝道古人還有這箇也無仰  
云今日方知是萬歲藤師云汝適來見甚麼仰云轉不得  
道古人無師笑云洎不問過

潞山僧問不作潞山一頂笠無主得到莫岳村如何是為  
山一頂笠師與僧近前僧繞進師即喝之

仰山寂禪師問僧近離甚麼處云向南師拈拄杖云彼中  
還說這箇麼云不說師云不說這箇還說那箇麼云不說

師云大德參堂去僧便去師復召僧應諾師云近前來僧  
近前師便打

雲門云仰山若無後語豈識得人



佛出一日執杖行次僧問和尚甚麼處得來師言肯  
後信無語

保壽身代云將謂無人見

香巖兩禮誦初開堂日瀉山令人送佛三三三言到師  
接了便吳者天蒼天僧便問和尚為甚如此師云云為春  
行教令

汾陽昭淨云拄杖將來便徹心淚流不覺意況於春行  
秋令人驚恠絕後光前越古今 疎山然云象世在杖

佛担付囑為山寄來香巖發吳父子投機為春雪曲不  
是知音入難相續 正覺說云得杖思為天不言絕

後與光前春行秋令人難會踏破草鞋脚底穿  
石室道禪師每見僧來便堅起拄杖云三世諸佛盡由這

一六六言及  
夏十一

箇對者少得真契長沙闍之乃云我若見即令放下杖子  
別通箇消息三聖將此語到師處祇對被師認破是長沙  
語

黑眼禪師僧問如何是不出世師師云善財拄杖子

本生禪師拈拄杖示眾云我若拈起汝便向未拈起時作  
道理我若不拈起你便向拈起時作主宰且道老僧為人  
在甚麼處時有僧出云不敢妄生節目師云也知闍黎不  
分外云高高處平之有餘低低處觀之不足師云節目上  
更生節目信無語師云掩鼻偷香空招罪犯

雪竇顯云這僧也善能切磋爭奈弓折箭盡雖然如此  
且本生是作家宗師拈起也天田地轉應須拱手歸降  
放下也草履風行必合全身遠害還見本生為人處也

無復拈拄杖云太平本是將軍致不許將軍見太平  
雪峰存禪師一日於僧堂前拈起拄杖云這箇為中下根  
人時有僧問忽遇上上人來時如何師擲下拄杖

雲門云我不似雪峰打破狼籍僧便問未審和尚如何  
明便打 松源岳云太幾圓應大用直截雪峰雲門只  
得一撮畢竟如何不說不說

雪峰因玄沙問有拄杖乞一條師云我有三條你將一條  
去沙云人人祇是一箇和尚為甚麼用三箇師云三箇總  
用沙云是即是某甲不如此師云你作麼生沙云是三是  
一

雪峰一日普請次長生戴笠子先行師乃問云口人道誰  
知蕭帽下元是昔時人意旨作麼生長生側却笠子云這

箇是甚麼人語師便休去

大禪師通禪師駐歸宗宗門送與拈笠子師接得笠子戴  
頭上便行更不廻顧

佛日禪師離雲居到來山維那云此間不著後生師云某  
甲暫來謁見和尚不是寄宿維那乃白文山云有一後生  
要見和尚山云教伊上來師纔到塔下山便問甚麼處來  
師云雪居來山云即今在甚麼處師云在夾山頂巔上山  
云老僧行年在坎五鬼臨身師欲上塔山云三道寶塔汝  
從那道而上師云三道寶塔為今時向上一路請師直  
指山便指師便上禮拜山問聞黎與甚麼人同行師云木  
上座山云他不來相看老僧師云和尚看他有分山云  
在甚麼處師云堂中山次共師下到堂中師遂去取得拄

杖擲于面前山云莫從天台得不師云非五嶽之所生山  
云莫從須彌山得來師云月宮亦不遊山云與麼則莫從  
他人得也師云自己尚似冤家從人得堪作甚麼山云冷  
灰裏有粒豆爆復云待者喚維那來明牕下安排著次日  
夾山之堂問昨日新到在甚麼處師出應諾山云云未到  
雲居前在甚麼處師云天台國清寺山云我聞天台有海  
瀑之水淥淥之波謝子遠來子意如何師云云居巖谷不  
掛松蘿山云此猶是春意秋意又作麼空師良久山云看  
君只是撐船客終歸不是弄潮人師便休去

圓悟勤於明牕下安排著處云大小夾山牙如劍樹口  
似血盆却被後生僧熱瞞一上便乃高懸旛旗又於師  
便休去處云賴有此爾若不如此何處有夾山也還知

他落處麼某逢敵手難藏倖詩到重吟始見功

芭蕉情禪師示衆云你有拄杖子我與你拄杖子你無拄  
杖子我奪却你拄杖子

大瀉語云大瀉即不然你有拄杖子我奪却你拄杖子  
你無拄杖子我與你拄杖子大瀉既如是諸人還用得  
也未若人用得德山先鋒臨濟後令若也用不得且還  
本主 開福寧云覺海大似量才補取度脚買鞋要見  
芭蕉還應未可新報慈即不然你有拄杖子我與你拄  
杖子君子愛財取之有道你無拄杖子我奪你拄杖子  
恩深轉無語懷抱自分明或有人問離此二途如何是  
報慈拄杖子良久云如今卓向須彌頂六臂三頭未許  
看法石空云要識芭蕉用處麼更將歸去夢說盡欲

行人 天童覺云你有則一切有你無則一切無有無  
自是當人與奪關色蕉其事正恁麼時作麼生是你拄  
杖子

投子青頌云有無今古兩重關正眼禪人過者難欲通  
六道長安路莫聽崑崙說往還 保寧勇云你有面前  
拄杖去如無背後奪將來可憐黑漆光生底擊著千門  
萬戶關 正覺逸云芭蕉示眾世無隣與奪縱橫不易  
親雨散雲收何處去空令遊子淚沾巾 文殊道云有  
無與奪太詭訛拄杖當途不奈何好把斜橫禪椅畔免  
令就一長枝柯 枯木成云縱奪臨機得自由相逢切  
已忌更憂時轉身必合知時節擬議山藤使到頭  
善崔禪師嘗陞堂拈拄杖云出來打出來打時有僧出云

崔禪師下拄杖便歸方丈

法燈欽云和尚且自救好是肯他不肯他 五祖戒云  
便推倒禪林 歸宗一云作麼生道得一語救得崔禪  
琅琊覺云久經行陣者終不展旗鎗 雲蓋智云身挨  
白刃不懼死生須是這僧始得崔禪為甚麼當機放過  
要會麼金鱗已得休勞力收取絲綸歸去來  
保寧勇頌云鏤鐲橫按寶光寒俠客噓羅教正看飛過  
青霄聲震吼乾坤直得黑漫漫

玄沙洛禪師上堂眾集遂將拄杖一時打下却迴顧侍者  
云我今日作得一解喚入地獄如箭射者二言得和尙再  
復人身

靈巖芝云大小玄沙前不搆村後不至店且作麼道出

身之路 道吾真云大小芝老只是偏枯若具這吾即不然玄沙與侍者一人具一隻眼

洛浦安禪師問僧你笠頭為甚麼破僧云遍處參師云忽遇牛糞時如何僧近前云不審師便打

長慶後禪師拈拄杖示眾云識得這箇一生參學事畢

雲門云識得這箇為甚麼不肯住 靈巖巖云三念麼住

者受我兒孫恁麼去者寒灰發酸然雖如是都未得對

絕在拈起拄杖云識得這箇遂卓一下云敲出鳳凰五

色髓擊碎驪龍明珠

保福展禪師見一僧乃拈拄杖打其頭僧作忍痛聲師云

那箇為甚麼不痛僧無對

玄覺代云貪行拄杖

雲門偈禪師拈起拄杖舉教中道九夫實謂之有二乘拈謂之無緣覺謂之幻有菩薩當體即空乃云衲僧見拄杖但喚作拄杖行但行坐但坐總不得動著

鼓山珪頌云二乘菩薩何年盡諸佛九夫早晚休世事

但將公道斷人心難似水長流 徑山杲云剔開金殿

鎖撞動玉樓鐘泣露一般草吟風一樣松

雲門上堂云天親菩薩無端變作一條榔標拄杖乃劃地

一下云塵沙諸佛盡向這裏說葛藤去便下座

雲門拈拄杖示眾云拄杖子化為龍吞却乾坤了也山河

大地甚處得來

黃龍心云明眼宗師至今猶在忍若有箇漢出來道這

箇是拄杖子山河大地有甚過也許伊具一隻眼

雲門顯頌云拄杖子吞乾坤徒說桃花浪裏奔燒尾者  
不在擊雲攫霧曝鱗者何必喪膽忘魂拈了也聞不聞  
直須灑灑落落休更紛紛紜紜七十二棒且輕恕一百  
五十難效君師驀拈拄杖下座大眾一時走散 石霜  
云石霜拄杖化為龍吞却乾坤在手中黃面瞿曇吞取  
眼百千菩薩盡驚忙

雲門一日從方丈出有僧過拄杖與師師接得却過與僧  
僧無對師云我今日著便僧問和尚為甚麼著便師云我  
拾得口喫飯

黃龍心云請上座向此僧無對處代取一轉語你道合  
下得甚麼語僧云閑時物急時用師云我今日亦著便  
僧云和尚為甚麼亦著便師云喜得聞黎答話

雲門云盡十方世界乾坤大地天下老和尚以拄杖一劃  
云百雜碎

雲門顯頌云這老漢是却是要且未有出身之路如今拄  
杖在雲實手裏復橫按云東西南北甚處得來

連華峰庵主拈拄杖示眾云古人到這裏為甚不肯住眾  
無對自云為他途路不得力復云畢竟如何又自云柳標  
橫擔不顧人直入千峰萬峰去

佛眼遠橫按拄杖於脊上高聲喚云和尚和尚又云闔  
國人追不再來千古萬古空相憶 云童覺云負人不  
負出本色住山人思大吞盡諸佛普眼不見普賢且道  
病在甚麼處驀拈拄杖卓一下云官不容針私通車馬  
雲實顯頌云眼裏塵沙耳裏土千峰萬峰不肯住落花

流水太茫茫剔起眉毛何處去。本覺一云作者寧甘  
在半途半途不注意如何橫肩拄杖千峰去雲水何人  
見得渠

睡龍禪師拄杖謂眾云三十年住山得他氣力僧云和  
尚得他甚麼氣力師云過溪過嶺東拄西拄便拄歸方丈  
招慶聞云我不恁麼道僧問和尚作麼生道慶以杖下  
地拄行 破庵先云睡龍好條拄杖可惜龍頭蛇尾更  
得招慶隨後打樓撒大似畫虎添斑當時待他道和尚  
得他甚麼氣力拄杖便擲音取拏雲煙霧

保壽恩禪師上堂拈起拄杖云得自天台絕比倫從來無  
葉又無根有時扶過斷橋水幾度伴歸明月村然雖如是  
也不得放過擊禪牀一下便下座

丹霞溈頌云此杖不從天地得登山涉水承渠力如今  
擲向亂峰前免致叢林為軌則

汾陽昭禪師拄杖示眾云二世諸佛在這裏為汝諸人  
無孔竅遂定向山僧拄杖裏去強生節目

淨因成云汾陽與麼示徒大似檐雪填井傍若無人山  
僧今日為汝諸人出氣拈起拄杖云三世諸佛不敢強  
生節目却從山僧拄杖裏走出向諸人道我不敢輕於  
汝等汝等皆當作佛說是語已翻筋斗向拘尸羅城裏  
去也擲下拄杖云若到諸方分明舉似

汾陽拈拄杖示眾云識得拄杖子行脚事畢  
雲峰悅舉罷拈起拄杖云這箇是拄杖子那箇是行脚  
事復云柳標橫檐不顧人直入千峰萬壑去 三角云

識得拄杖子入地獄如箭射 大為詰舉罷拈起拄杖  
 云這箇是拄杖那箇是行脚事直饒向這裏見得於衲  
 僧門下只是箇脫白沙彌若也不識且向三家村裏東  
 卜西卜忽然卜著也不定 智海逸舉汾陽三角語罷  
 云二老一出一入半合半開猶是干戈相待山僧即不  
 然識得拄杖子盡月冷光在指雲秋片移  
 廣慧璉禪師問僧你有拄杖子麼云無師云我與你拄杖  
 子隨聲便打

琅琊覺禪師示眾拈起拄杖云拄杖若是頭上安頭拄杖  
 不是斬頭覓活離此二途猶是無依滯龜透脫一路正是  
 著肉汗衣汝等諸人各具金剛眼睛到這裏作麼生會拄  
 杖子透過渤海看看卓一下

奉天高禪師辭首山山以拄杖送師師接得有偈云和尚  
 拄杖照破龍象臨濟家風落在我掌山云莫相帶累師打  
 山一坐具山云果然帶累師云今日捉敗這老漢山云又  
 似得便宜又似落便宜

承天因州主張侍中來訪適值師出張於方丈內將拄杖  
 去師來日却入衙相看張云和尚失却拄杖耶師云草賊  
 大敗張云恁麼則落他難便也師云并賊捉獲

雙泉寬禪師僧問豎起拄杖意旨如何師云一葉落天下  
 秋

龍門永禪師僧問祖祖相傳未審傳箇甚麼師云德山拄  
 杖僧云恁麼則師得其妙也師便打  
 雲蓋鵬禪師謁雙泉雅禪師雅令充侍者示以芭蕉拄杖



話久無省發一日雅向火次師侍立雅忽問拄杖子話試舉來與子商量師擬舉雅拈火筋便搥師豁然大悟

白雲端頌云與奪雙行驗正邪纔爭拄杖便忘家驀然鐵棒如風至失却從前眼裏花

慈明圓禪師問僧上座年多少僧云二十六師云恰與山僧拄杖同年僧云是師云你道山僧拄杖年多少僧無語

師便打  
智門祚禪師僧問古人拈起拄杖意旨如何師云看樓打

樓云放下拄杖意旨如何師云百雜碎  
雲峰悅禪師拈拄杖示眾云我喚這箇作拄杖子你諸人

喚作甚麼若喚作拄杖子鰕跳不出斗若不喚作拄杖子平地上更交還有道得底麼良久云翠巖今日失利擲拄

杖下座

法昌遇禪師因送百丈政和尚至三門云旬日道話寧無短長今日相別無以為意有一條拄杖送師政擬接師云且道你將去如何受用政云扶過斷橋水伴歸無月村師云忽遇德山臨濟時如何政云棒在和尚手裏師遂擲拄杖云可惜許分付不著人

天平愚禪師一日卸下行次見僧乃以拄杖示之僧便近前接師便打

龍潭圓禪師辭汾陽陽云別無送路與子一條拄杖一條手巾師云手巾與和尚受用拄杖不用得陽云但將去有用處在師便收陽云又道不用師喝一喝便下去陽云已後不讓臨濟師云正令已行陽來日送出三門云汝今立

逢尉遲時如何師云一刀兩段陽云被現那吒又忘生師便拽拄杖陽喝云這回全體分付

密印宥禪師僧問人將語試金將火試未審初僧將甚麼試師云拄杖子僧云無竟如何師云退後者僧應諾師便打云教休不肯休直待兩霖頭

淨因楷禪師侍投子遊菜園次子度拄杖與師師接得隨行子云理合恁麼師云與和尚提鞋挈杖不為分外子云有同行在師云那一人不受教子休去至晚問師早來與子說話未盡師云請和尚舉子云卯生日戌生月師即點燈來子云子上來下去總不空然師云在和尚左右理合如此子云奴兒婢子誰家屋裏無師云和尚在尊闕他不可子云得恁麼慇懃師云報恩有分

雪竇顯禪師因僧送拄杖上師師拈起成頌云清峻孤根別有靈勢含山水自分明提來勝得豐城劍報盡人間兩不平

雪竇有時上堂堅起拄杖云洪機在掌排巨靈掌六三之峰復橫按云明鏡當臺絕演若逐東西之逕又以拄杖一劃云此擬張麟兔亦不遇便下座

洪州觀音禪師拈拄杖示眾云山僧一條拄杖直在二峰頂上採來摩拊多時曲直堪為榜樣拈起橫直十方及下群魔膽喪說甚古佛釋迦擬議也須與棒

趙州因秀才乞拄杖現門

金牛橫按拄杖見門

南泉棒下拄杖現門

智門拈拄杖云全得這箇力見隨

瀉山以拄杖敲牀見隨

趙州至行者屢戴笠便行見隨

揚岐以笠子蓋頭便行見隨

*[Faded vertical text in a green-tinted box, likely bleed-through from the reverse side of the page.]*

鏡翁

十七祖僧伽難提尊者因見十八祖作童子時手持圓鑑

直造師前師乃問汝幾歲耶云百歲師云汝年尚幼何言

百歲非其理也云我不會理正百歲爾師云汝善機耶云

佛言若人生百歲不識諸佛機未若生一日而得決了之

師云汝手中者當何所表童云諸佛大圓鑑內外無瑕翳

兩人同得見心眼皆相似遂求出家

南嶽讓禪師居南嶽時馬祖在彼住庵日唯坐禪師因往

問云在此何為祖云坐禪師云坐禪何所圖祖云圖作佛

師一日將藥一片於庵前磨祖云磨此何為師云要作鏡

祖云磨藥豈得成鏡師云坐禪豈得成佛祖云如何即是

師云如人駕車車若不行打車即是打牛即是祖於是悟

旨於言下遂印心傳法符西祖之識馬駒踏殺天下人之  
語南宗圖於江西

汾陽昭頌云磨麤作鏡裏同音來問分明示本心鏡裏  
木人回面指塾牛耕出古至金 保寧勇云死馬醫來  
無用處車牛腦後更加鞭皮穿肉綻還知不任重應須  
角力全 佛印元云磨麤作鏡不為難忽地生光照大  
千堪笑坐禪求佛者至今牛上更加鞭 佛燈珣云坐  
禪成佛心中病作鏡磨麤眼裏花一掣空關金鎖斷等  
閑信步便歸家馬駒子實堪誇自從胡亂後著處是生  
涯 吳古佛云磨麤作鏡象席打令一切魚龍知水為  
命

南嶽因曾問如鏡鑄像成後光歸何處師云大德未出

家時相貌向甚處云云成後為甚不鑄照師云雖不鑄照  
瞞他一點也不得

法眼益於甚處去處別云阿那箇是大德鑄成底像  
天台豐干禪師因寒山問古鏡未磨時如何照燭師云冰  
壺無影像猿猴探水月山云此是不照燭也更請道看師  
云萬德不將來教我道甚處寒山拾得二俱作禮而退  
鹽官安國師一日喚侍者將屋牛扇子來者云破也師云  
扇子既破還我屋牛兒來侍者無對

投子代云不辭將出恐頭角不全雪竇顯又拈云我要  
不全底頭角 石霜代云若還和尚即無也雪竇又云  
屋止兒猶在 保福代云和尚尊年別請人好雪竇又  
云可惜勞而無功 資福代作圓相於中書在空雪竇

又云道來爲甚不將出 雪竇復拈云若更清風再復  
頭角重生請諸禪客下一轉語乃問窮子既破還我奉  
牛兒來時有僧云天衆參堂去師喝云拋釣釣鯢鯨釣  
得箇蝦蟆

雪竇頌云屋牛扇子用多時問著元來總不知無限清  
風與頭角盡隨雲雨去難追 白雲端云可憐一柄犀  
牛扇謾道曾遭已破除無限清風隨手處忽然頭角出  
寰區 天童覺云扇子破索屋牛圈圖中字有來由誰  
知挂轂十年魄妙作通明一點秋 佛燈珣云屋牛扇  
子用多年塵堂清機授手傳頭角十全收拾取兩餘風  
月滿長川 祖印明云老師底死索屋牛用處其誰得  
自由侍者不知頭角具鼻根繩索被他收 草堂清云

明月冷相照清風卒未休鹽官無限意何用覓犀牛  
麻谷徹禪師一日使扇次有僧問風性常住無處不周和  
尚爲甚麼却搖扇師云你只知風性常住且不知無處不  
周僧云作麼生是無處不周底道理師却搖扇僧作禮師  
云無用處師僧著得一千箇有甚麼益

圓悟勤云這僧一往可觀可惜有頭無尾若不是麻谷  
作家洎驗放過敢問大衆且甚麼是落節處撥開向上  
竅能有幾人知 佛燈珣云強乞勝偷不風流處也風  
流惠而不費有意氣時添意氣既然如是爲甚麼却道  
無用處師僧著得一千箇有甚麼益良久云虜庭鏹未  
關擺手出空關

趙州諗禪師僧問古鏡不磨還照也無師云前生是因今

生是果

洞山价禪師於扇上書佛字雲巖見即書不字師又改作非字雲峰見一時除却

子湖蹤禪師僧問如何是大圓鏡師云一切物著不得云為甚麼一切物著不得師云汝是一切物還著得汝不為山祐禪師一日索明人呈語乃云聲色外與吾相見時有幽州鑒弘上座呈語云不辭出來那箇人無眼師不肯仰山九四度呈語第一度云見取不見取底師云細細毫末冷似雪霜第二度云聲色外誰求相見師云祇帶聲色如方木場地第三度云非聲色師云是汝想解不真第四度云如兩鏡相照於中無像師云此語正也我是你不是早立樣了也仰山却問師某甲精神昏暗拙於應對示審

和尚於百丈師翁處作麼生呈語師云我於百丈先師處呈語云如百千明鏡鑿像光影相照塵塵刹刹各不相借仰山於是禮謝統要

仰山寂禪師住東平時為山附書并鏡一面至師座授書乃提起鏡示眾云大眾為山此鏡來而今且道是為山鏡東平鏡若道是東平鏡又是為山寄來若道是為山鏡又在東平這裏道得即存取道不得即打破云也如是三舉眾皆無對師乃撲破

五祖戒代云更請和尚說道理看暮奪打破

汾陽昭頌云仰山接得為山鏡告眾拈來行正令朦懂禪流眼不開仰山直下驀頭釘 洞山聰云提起分明照正邪眾人皆不啓唇牙譬如賣物無人買最後須歸

本三家 保寧勇云瀉山古鏡仰山提日上東方日落  
西撲落不知誰拾得秋風索索量量 智海清云全  
放全收意亦優為山選至仰山頭可憐一片如秋水三  
問無人撲破休 佛心才云父子相傳鏡絕塵須知秋  
夕不同輪可憐無限迷頭者錯認空花鏡裏春

雪峰存禪師云我這裏如一面古鏡相似胡來胡現漢來  
漢現時有僧便問忽遇明鏡來時如何師云胡漢俱隱  
玄沙條云我即不與麼有僧便問忽遇明鏡來時如何  
沙云百雜碎 明招謙云當與麼時莫道胡漢俱隱別  
作麼生道 玄沙破明招云喪也 琅琊覺云不見道  
驗人端的處下口即知著

高亭簡禪師初見德山在江岸坐即隔江問訊山以扇招

之師忽然契悟橫趨而過更不渡江遂返高亭住持法嗣  
德山

徑山杲云高亭橫趨而去許伊是箇利衲僧若要法  
嗣德山即未可何故猶與德山隔江在

古德頌云德嶠有此陳滯貨幾度瞞人瞞不過高亭幸  
自可憐生隔岸無端遭染汚

玄沙偈禪師因雪峰云世界闊一丈古鏡闊一丈世界闊  
一尺古鏡闊一尺師指火爐云且道火爐闊多少峰云如  
古鏡闊師云這老漢脚跟未點地在

東使問僧為復古鏡致火爐與麼闊火爐致古鏡與麼  
大 雲門云餒飯泥茶爐 西院云與麼問人也未可  
在 保寧勇別雪峰云若不是吾泊被子忒

太原孚上座因鼓山問父母未生時鼻孔在甚處師云老  
兄先道山云如今生也沒道在甚處師不肯山却問你  
作麼生師云將手中扇子來山遂與扇再徵師默置山乃  
拈頰許之一拳

禾山方云孚上座雖然能縱能奪要且未識父母未生  
時鼻孔鼓山若無未後句泊合墮坑落壑一佛慧泉云  
父母未生前鼻孔在何處叢林无作家俱昧藏身句鼓  
山雖見機未免撐門三搖扇太原互播弄閑家具山中  
春色深飛花落無數 圓悟勤云父母未生前生也只  
如然一般拈撥能奇特直下渾如火裏蓮輝今耀古極  
妙窮玄大可憐清風長滿座一念八千年 佛性泰云  
若向鼓山言下薦得觀機無改路直下絕諸說若向太

原搖扇處承當凜凜清廓周沙界雖然如是大只道得  
一坐若問鼓山父母未生時鼻孔在甚處處但向伊道  
優曇花正開嗅著無香氣

廣德義禪師僧問久負不逢時如何師云扇開人不遇  
卷莫能收

丹霞淳頌云妙體堂堂相分全青霄獨步躡金蓮千花  
臺上猶慵坐弊垢欄衫豈肯空

韶山普禪師因導布衲問明鏡當臺請師一鑿師云不鑿  
云為甚麼不鑿師云破鏡不重照落花難上枝衲無語師  
便打

死心新云這般漢打得百千萬箇有甚果過當時若在  
黃龍三裏棒折也未住在 應庵率云死心和尚一期



大驚小恠殊不知韶山自遭導布衲毒手之後至今無人檢點得出其道請記在甚麼處

福溪禪師僧問古鏡無瑕時如何師良久僧云師意如何師云山僧耳背僧又舉前問師云猶較此云

洞山初禪師僧問如何是洞山圓鏡師云人將語試水將杖試

地藏琛禪師僧問鏡裏看形見不難如何是鏡師云還見形麼

鄧州中度禪師僧問如何是暗中明鏡師云萬機昧不得云未審照何物師云甚麼物不照

寶慶環禪師僧問古鏡未磨時如何師云清風來不盡云磨後如何師云明月照重城云太守臨筵請師一照師云

是何面孔云三十年後師云賺殺人

雲居岳禪師僧問明鏡當臺時如何師云不鑒照云忽遇四方八面來作麼生師云胡來胡現漢來漢現云大好不鑒照師便打

雲蓋本禪師僧問人人有面古鏡如何是學人古鏡師云打破來向你道云打破了也師云胡地冬抽笋

永明壽禪師僧問如何是大圓鏡師云破沙盆

法昌遇禪師僧問古鏡未磨時如何師云却須磨取云未審如何下手師云鏡在甚麼處僧作圓相師便打云這漆桶碌裏也不識

天衣懷禪師僧問古鏡未磨時如何師云撐天拄地云磨後如何師云夕陽影裏快藏身

松源岳頌云拄地撐天合伴用夕陽影裏不藏身有時  
獨坐孤峰頂寂寂猶聞落葉頻

智門欽禪師僧問兩鏡相對爲甚麼中間無像師云自己  
亦須隱云鏡破臺亡時如何師豎起拳

正覺逸禪師僧問古鏡未磨時如何師云青青河畔草云  
磨後如何師云鬱鬱園中柳云磨與未磨具同是別師云

同別且置還我鏡來僧擬議師便喝  
應天戒禪師參淨慈遂禪師遂問上人從何而來師云昆  
陵來遂云我聞毘陵出好草蟲扇子帶得來不師作一圓

相云大善知識又要這箇作甚麼遂云祇這箇此間亦要  
得師必言下大悟

承天連禪師上堂舉扇子云犀牛扇子古今揚七上峰前

九夏長一六時中如可用分明頭角如商量且問諸禪德  
商量箇甚麼良久云任爾千般巧終無兩樣風乃放下扇  
子

○僧問古鏡未磨時如何

風穴沼禪師云天魔膽落 智門祚禪師云也祇是箇

銅片 龍濟修山王云照天照地 慈明圓禪師云

新羅打鼓 彭州天台禪師云不施功 國泰瑤禪

師云古鏡 合珠真禪師云昧不得 大愚芝禪師

云照破天下人鬪體 智門觀上座云暗 德山先

禪師云照破天地 育王坦禪師云千年松松下

禾山才禪師云乾坤藏不得 報本利禪師云照

招提易禪師云精靈皺眉 徑山杲禪師云火不待日

而熟

○進云磨後如何

風穴云軒轅無道

智門云且收取

龍濟云黑似

漆

慈明云西天作舞

彭州云不照燭

國泰

云古鏡

含珠云黑如漆

大愚云黑似漆

智

門云照破髓體寒

德山云絲髮不存

育三云一

年一度春

禾山云照破萬家門

報本云黑僧云

既是磨後為甚麼黑師云為汝要磨

招提云波斯彈

指僧云為甚麼如此師云好事不出門

徑山云風不

待月而涼僧云磨與未磨時如何師云交

雲居舜行之居士問古鏡化見門

黃蘗勝以扇勸悟觀門

雲門拈扇子云我喚作扇規門

靈雲云如鏡空明觀門

雲門云扇子詩跳上三十三天觀門

雪峰云彌猴佩古鏡走門

汾陽青絹扇子見相門

禪林類聚卷第十六

卷之六

五十一

<p>今謂其...        其...        其...        其...</p>	<p>其...        其...        其...        其...</p>	<p>其...        其...        其...        其...</p>	<p>其...        其...        其...        其...</p>	<p>其...        其...        其...        其...</p>	<p>其...        其...        其...        其...</p>	<p>其...        其...        其...        其...</p>
---	---	---	---	---	---	---

此六考



110X  
7  
19